

XXIV CONCURSO ESCOLAR DE teatro lido

"xosé manuel eirís"



Organiza:



bases Coa finalidade de promover o teatro entre a rapazada e de favorecer a súa iniciación á interpretación dramática, a Asociación Cultural Telón e Aparte e o Concello de Carballo, organizadores do Festival Internacional Outono de Teatro de Carballo, coa colaboración de Radio Nordés Cadena Ser convocan o **XXIV Concurso Escolar de Teatro Lido "Xosé Manuel Eirís"**, de acordo coas seguintes bases:

1.- OBXECTO

É obxecto do presente Concurso contribuír á **iniciación na interpretación teatral a través da lectura dramatizada** e á recuperación do formato radiofónico proporcionándolles a unha selección de grupos de rapaces e/ou rapazas dos colexios e asociacións de Bergantiños a experiencia en estudos profesionais de radio.

2.- PARTICIPANTES

Poderán participar neste Concurso os grupos de entre 2 e 8 rapaces e rapaces dos colexios, institutos e asociacións de Bergantiños que realicen a súa inscrición de acordo coas seguintes bases. Os grupos poden estar dirixidos por un/ha profesor/a ou monitor/a.

3.- TEXTO

Cada grupo seleccionará previamente o fragmento do texto teatral que desexe interpretar. **A representación deberá ter unha duración de entre 2 e 5 minutos**, e poderán ser descalificados os grupos que se excedan deste tempo. Os grupos poderán empregar, eles mesmos, os recursos sonoros que se consideren necesarios para que a dramatización do texto sexa realizado de maneira axeitada (efectos sonoros, música...). A temática das obras será libre, sempre tendo en conta que **as obras están destinadas a tódolos públicos**.

4.- DESENVOLVEMENTO

-A responsable de cada grupo deberá **enviar a solicitude de inscrición antes do 3 de outubro ao enderezo electrónico fiot.teatro.lido@gmail.com**.
-Antes do 12 de outubro deberá enviar un arquivo de vídeo (en formato horizontal, a ser posible en MP4) coa gravación da **lectura dramatizada realizada polo grupo, xunto coa declaración de obtención de autorización de participación e de uso da imaxe ao enderezo electrónico fiot.teatro.lido@gmail.com**.
Confirmaráselle a recepción e a súa inscrición no concurso por correo electrónico, de non recibir resposta comuníquese con nós no teléfono 981 704 300.
- Tras escoitar as gravacións un **xurado seleccionará arredor de 12 grupos que terán a oportunidade de gravar a lectura dramatizada nos estudos profesionais de Radio Nordés Cadena Ser**, os responsables dos grupos serán avisados pola organización e posteriormente Radio Nordés Cadena Ser coordinará con eles a data en que deberán acudir ás súas instalacións, en función da dispoñibilidade das mesmas, sitas na rúa Vázquez de Parga, 10 de Carballo, para realizar a lectura dramática do texto escollido.
-O **xurado escoitará as gravacións realizadas en Radio Nordés Cadena Ser e escollerá aos finalistas do concurso**.
-A **Final, prevista para o 9 de novembro, realizarase no Pazo da Cultura de Carballo** no transcurso dun acto no que, os grupos seleccionados volverán a representar o fragmento da súa obra ante o público e o xurado, que fará a resolución final do Concurso a partir da interpretación en directo, e entregará os premios aos grupos gañadores.
-Será requisito indispensable que os representantes de cada grupo declaren que obtiveron a autorización expresa da nai/pai ou titor/a legal de todos os

integrantes do grupo autorizando a súa participación no concurso mediante a gravación do vídeo realizado así como o consentimento favorable á publicación do vídeo presentado, autorizando a súa difusión a través das redes sociais/web da organización do Certame e a autorización da súa emisión pola radio. Así como o consentimento favorable á cesión, publicación e/ou divulgación dos dereitos de imaxe, incluída a voz. A utilización dos textos e/ou música deberá cumprir coa normativa dos dereitos de autoría e as/os participantes na convocatoria son responsables do seu cumprimento e exímese á organización deste certame de calquera responsabilidade ao respecto, incluído calquera conflito de publicación ou utilización das obras presentadas e dos que puidera derivarse.

As/os participantes ostentarán e cederán á organización do Certame os dereitos de comunicación pública de forma indefinida. Neste sentido, os autores renuncian a favor da Asociación Cultural Telón e Aparte a calquera tipo de remuneración polos seus dereitos de autoría.

A difusión e /ou reprodución da obra no marco do concurso non poderá lesionar a terceiros asumindo persoalmente o/a autor/a calquera responsabilidade que puidera derivarse.

5.- CATEGORÍAS E PREMIOS

Establécense dúas categorías diferenciadas, unha de educación infantil e educación primaria, e outra de educación secundaria. A atribución a cada categoría realizarase en función dos estudos que cursen a maioría dos integrantes do grupo.

Para cada categoría haberá dous premios que consistirán en libros e material didáctico, por un importe das seguintes cantidades:

1ª Categoría: (grupos de nenos e nenas de EI e de EP) **premio: 200 € | premio: 150 €**. Premios patrocinados por Librería Brañas Verdes.

2ª Categoría: (estudantes de ESO, bacharelato ou CF de grao medio) **premio: 200 € | premio: 150 €**.

Accésits por un valor de 150 € patrocinados por Librería Brañas Verdes.

6.- PRAZO E LUGAR DE INSCRICIÓN

O **prazo de presentación da solicitude de inscrición remata o 3 de outubro e o da presentación dos vídeos remata o 12 de outubro**. A inscrición deberá realizarse no enderezo electrónico fiot.teatro.lido@gmail.com **Confirmaráselle a recepción e a súa inscrición no concurso por correo electrónico, de non recibir resposta comuníquese con nós** no teléfono 981 704 300.

7.- XURADO

O xurado estará composto por membros da AC Telón e Aparte, de radio Nordés Cadena Ser, e persoas vinculadas ao teatro e ao ensino designadas por estas entidades. A decisión do xurado será irrecorríble.

A participación neste certame supón a plena aceptación das presentes bases.

Calquera incidencia non prevista nesta convocatoria será resolta polo xurado ou pola organización.

Carballo, 8 de setembro de 2025

Patrocina:



FICHA DE SOLICITUDE DE INSCRICIÓN NO XXIV CONCURSO ESCOLAR DE TEATRO LIDO "XOSÉ MANUEL EIRÍS"

DATOS DO GRUPO

NOME DO GRUPO

Nº DE MEMBROS (excluíndo o/a director/a) CURSO ACADÉMICO E IDADES

CENTRO EDUCATIVO OU ASOCIATIVO AO QUE PERTENCEN

TELÉFONO DO CENTRO ENDEREZO ELECTRÓNICO

DIRECTOR/A DO GRUPO OU PERSOA DE CONTACTO

TELÉFONO ENDEREZO ELECTRÓNICO

NOMES DOS INTEGRANTES DO GRUPO / IDADE

1.		CURSO/IDADE	
2.		CURSO/IDADE	
3.		CURSO/IDADE	
4.		CURSO/IDADE	
5.		CURSO/IDADE	
6.		CURSO/IDADE	
7.		CURSO/IDADE	
8.		CURSO/IDADE	

DATOS DO FRAGMENTO DA OBRA COA QUE SE CONCURSA

TÍTULO

EXTENSIÓN DA REPRESENTACIÓN (DURACIÓN DO VÍDEO)

AUTOR DO TEXTO

OBSERVACIÓNS